



Sermon
Kxf. Dr. Numlaajtsheb Yaaj

“I Am – Kuv Yog”

The Holy Trinity – First Sunday after Pentecost
St. Michael’s and Our Savior Lutheran Church
6-16-19

Thov txoj koobhmoov txojkev hlub thiab txojkev haumxeeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Yauhas 8:58 “Very truly I tell you,” Jesus answered, “before Abraham was born, I am! – *Yexus teb lawv haistias, “Kuv qhia tseeb rau nej haistias, Kuv yog tus xub nyob uantej Anplahas yug lawm.”* Nov yog Vajtswv Txojlus. (Cross Reference – Khiavdim 3:14, Yauhas 1:1; 8:24, 28; 10:25; 17:24, Khaulauxais 1:17)

Illustration “Who are you?” (Show picture of who are you?)



Thaum twg koj mus txog ib qhov twg, lwmtus tsis tau pom koj duas, tus tibneeg ntawd yuav nug koj haistias, “Koj lub npe hu li cas?” Koj yuav teb li cas? Koj thiab kuv yuav teb haistias, “I am – Kuv yog” Numlaajtsheb, Kuv yog _____? Peb coob leej ntau tus muaj lub npe thaum niam thiab txiv tis. Tiamsis thaum peb muaj pojniam muaj tub muaj ntxhais lawm, cov niam cov txiv tis duas ib lub npe los ntxiv rau yus. Lub npe no dhau los mus ua lub npe laus. Thaus peb muaj lub npe laus lawm, cov laus thiaj li haistias, peb tiav txivneej yawg lawm. Tej lub npe kuj tis ntxiv nrog rau lub npe uas niam thiab txiv

tis. Tej lub npe tsis tis nrog lub npe niam thiab txiv tis. Peb yuav dhau los mus nrog lub zej lub zos koom ua nom ua tswv muaj koob muaj npe. Txawm zoo li cas los thaum tibneeg nug koj haistias, “Who are you – Koj yog leejtwg” koj yuav teb haistias, “I am – Kuv yog _____”.

- I. Hnubno peb Txojmoozoo qhia txog haistias, Yexus qhia rau haiv tibneeg Yudais haistias Yexus yog leejtwg. Cia peb saib daim video txog “Before Abraham was born, I Am” (Show video – 1.47 Min. https://www.youtube.com/watch?v=Uxy_rWR9IIA)




6-16-19 John 8 51 - Before Abraham was, I AM - YouTube - 1.47 Min..wmv

Tiamsis thaum Yexus pib hais xwb, cov tibneeg Yudais txawm liam haistias, Yexus raug dab lawm. (Show people against Jesus claim, Before Abraham was born, I Am)



Lawv thiaj li haistias, “At this they exclaimed, “Now we know that you are demon-possessed! Abraham died and so did the prophets, yet you say that whoever obeys your word will never taste death. Are you greater than our father Abraham? He died, and so did the prophets. Who do you think you are? – *Cov Yudais hais rau Yexus haistias, “Nimno peb paub haistias koj raug dab lawm, Anplahas los twb tuag thiab cov cev Vajtswv lus los twb tuag tas huv tibi lawm, tiamsis koj ho haistias tus uas coj raws li koj tej lus qhia tus ntawd yuav tsis tuag li. Koj haistias koj muaj hwjchim loj dua peb txiv Anplahas uas twb tuag lawm thiab los? Cov cev Vajtswv lus*

twb tuag tas huv tibi lwm. Koj tseem khav haistias koj yog leejtwg?” (Yauhas 8:52-53)
(Show John 8:557-58)




Tsis tag li ntawd cov Yudais tseem hais ntxiv haistias, “You are not yet fifty years old,” they said to him, “and you have seen Abraham! – *Lawv hais rau Yexus haistias, “Koj hnuvnyoog twb tsis tau muaj tsib caug xyoo, ua li cas koj haistias koj pom Anplahas?”* (Yauhas 8:57) Cov Yudais hais li no, vim Yexus tseem hluas, tiamsis Yexus qhia rau lawv haitias, “Though you do not know him, I know him.... – *Nej yeej tsis paub nws, tiamsis kuv paub nws.....*” (Yauhas 8:55) Rau qhov Yexus haistias, Yexus paub Anplahas, cov Yudais thiaj li tsis txaussiab rau Yexus thiab thiaj li

liam haistias, Yexus raug dab lawm. Ua rau lawv npautaws thiab khaw nkaus pobzeb yuav muab Yexus ntau kom tuag. (Heaven and Hell)




Niaj hnuv nimno, thaum twg koj mus tshaj Txojmoozoo rau tibneeg kom lawv los ntseeg Yexus, lawv thiaj li tsis raug txojkev poob mus rau ntujtawg teb tiamsis tau mus rau ntuj ceebtsheej thiaj li tau txojtia mus ibtxhis. Tiamsis cov tsis ntseeg nug koj haistias, “Koj puas tau mus pom ntuj ceebtsheej, ua li cas koj thiaj li yuav hais txog ntuj ceebtsheej? Koj puas tau mus txog ntujtawg teb? Ua li cas koj thiaj li hais txog ntuj ceebtsheej thiab ntujtawg teb? Tibneeg tsua paub haistias, muaj lub ntuj lub teb thiab tuag ces tag. Tibneeg yuav tsis mloog koj hais vim koj twb tsis tau mus pom ntuj ceebtsheej thiab ntujtawg teb.

II. Cov kwvtij hlub thiab movtshua, peb tiam tamsimno tsis koj raws li tiam Yudais txoj kevcai koj noj koj ua lawm. (Show before Abraham was born, I am)



Yog lwmtus hais rau peb haistias, “I am – *Kuv Yog*” tus ub tus no losyog tus xub nyob uantej tus lub ntiajteb no lawm” peb yuav xav tsis thoob vim tibneeg tsis muaj lub hwjchim ua tau li ntawd. Vajtswv

tibleeg xwb thiaj li yog tus xub nyob vim nws yog tus tsim ibpuas tsavyam. Tiamsis nyob rau Yexus tiam, cov Yudais npautaws rau Yexus, thaum Yexus haistias, “before Abraham was born, I am! – “*Kuv qhia tseeb rau nej haistias, Kuv yog tus xub nyob uantej Anplahas yug lawm.*” (Yauhas 8:58) Thaum Yexus hais li ntawd tagrho xwb, “At this, they picked up stones to stone him, but Jesus hid himself, slipping away from the temple grounds - *Lawv txawm khaws pobzeb yuav ntaus Yexus, tiamsis Yexus khiav nkaum thiab tawm hauv lub Tuamtsev mus lawm.*” (Yauhas 8:59) (Show Alpha & Omega)



Koj sim ua tibzoo xav saib yog koj haistias, “Kuv nyob uantej tus ub tus no lawm, tibneeg puas yuav haistias, koj raug dab lawm thiab?” Kuv ntseeg haistias, tibneeg yuav xav ibyam rau koj zoo li cov Yudais xav rau Yexus. Peb tsis muaj lub hwjchim los mus haistias, peb yog tus xub nyob unntej Anplahas lawm. Tsua yog

Yexus tibleeg thiaj li muaj cai hais tau li ntawd, vim Yexus yog Vajtswv. Nws yog tus tsim lub ntuj lub teb uantej Anplahas. Yexus thiaj li haistias, “Kuv yog Alafas thiab Aumekas, yog lub hauvpaus thiab yog lub ntsis, yog qhov pib thiab qhov xaus. (Tshwmsim 2:13) Yexus yeej muaj cai haistias, “before Abraham was born, I am! – “*Kuv qhia tseeb rau nej haistias, Kuv yog tus xub nyob uantej Anplahas yug lawm.*” (Yauhas 8:58) **(Show the I Am statement)**

Jesus' Seven "I am ..." Statements

John 6:48 "I am the bread of life."	John 8:12 "I am the light of the world."	John 10:9 "I am the door."	John 10:11 "I am the good shepherd."	John 11:25 "I am the resurrection and the life."	John 14:6 "I am the way, and the truth, and the life."	John 15:1 "I am the true vine."
The Sustainer	The Illuminator	The Mediator	The Caretaker	The Life-giver	The Leader	The Success-maker
He gives us all we need.	He brings the energy of light into our dark world.	He brings us where we otherwise could not go.	He cares for us just like we need it.	He brought us from death into life eternal.	He guides us through life's difficult ways.	He makes us unbelievably productive.

Thaum Yexus Peb nws tes dejnum, Yexus qhia haistias, Yexus yog leejtwg. “I am the bread of life – *Kuv yog cov mov uas cawm txojisia* (Yauhas 6:35) I am the resurrection and the Life – *Kuv yog tus sawv ntawm txojkev tuag thiab yog txojisia* (Yauhas 11:25) I am from above – *Kuv yog tus los saum ntuj los* (Yauhas 8:23) I am the light of the World – *Kuv yog lub teeb ci rau ntiajteb pomkev* (Yauhas 9:5) I am the true Vine – *Kuv yog tsob tseem txiv hmab* (Yauhas 15:1) I am the Son of God – *Kuv yog Vajtswv tus Tub* (Yauhas 10:36) I am the Good Shepherd – *Kuv yog tus Tswv Yaj Zoo*” (Yauhas 10:14) I am the Door – *Kuv yog lub Qhovrooj* (Yauhas 10:7) I am the way the truth and the life – *Kuv yog txojkev yog qhovtseeb thiab yog txojisia.*” (Yauhas 14:6).

- III. Yexus haistias, “I am – *Kuv Yog*” txhais li cas rau koj thiab rau kuv? Yexus qhia rau koj thiab kuv thiab tagnrho rau lub ntiajteb no haistias, Nws yog Vajtswv. Lolus “I am – *Kuv Yog*” txhais ntawm haiv tibneeg Henplais yog “absolute existence of God – *Vajtswv muaj nyob*” thiab lolus Askiv txhais haistias, “Lord – Tswv”. Vim tibneeg muaj kev txhaum, Nws thiaj li los cawm tibneeg kom tibneeg rov muaj feem rov mus tau txojisia ibtxhis ntawm Vajtswv. **(Video clip – I AM)**
<https://www.youtube.com/watch?v=LZpYMr-Ed0Q>




6-16-19 Burning Bush..I AM THAT I AM..Amazing Bible truth - YouTube - 1.50 minutes - Edit.wmv

Txij puag thaum ub los, Vajtswv yeej qhia rau Vajtswv haiv tibneeg haistias, Vajtswv yog leejtwg. Thaum Vajtswv hais kom Mauxes mus hais rau Vajtswv haiv tibneeg haistias, Vajtswv yog tus txib Mauxes mus tso Vajtswv tibneeg ntawm Iziv tebchaws. Mauxes thiaj li nug Vajtswv haistias, yog Vajtswv haiv tibneeg nug Mauxes haistias, leejtwg yog tus txib Mauxes mus, Vajtswv hais kom Mauxes hais rau Vajtswv haiv tibneeg haistias, “I AM WHO I AM I Am has sent me to you – KUV YOG KUV....*Kuv yog tus txib kuv los pab nej.*” (Khiavdim 3:14) Vajtswv yeej ibtxwm nrognraim Nws haiv tibneeg. Thaum Yexus yuav mus saum ntuj Nws coglus haistias, “And surely I am with you always, to the very end of the age – *Kuv yog tus nrog nej nyob mus txog lub ntiajteb kawg*”. (Mathais 28:20). Vajtswv Txojlus cogtseg rau koj rau kuv thiab rau txhuatus kom peb cia li nyob kajsiaib lug. Nws yog tus Tswv ntawm txhuatus tswv thiab Vajntxwv ntawm txhuatus vajntxwv. **(Show Trinity Sunday)**



Hnubno, yog “The Holy Trinity Sunday – *Hnubso Dawbbhuv ntawm Vajtswv Pebleeg*” uas peb nco ntsoov txog haistias, Vaajleejtxiv, Valeejtub, thiab Vajntsujplig Dawbhuv yog tibug. Vajleejtxiv yog tus tsim ntuj tsim teb, Vajleejtxiv yog tus los theej

ntiajteb txojkev txhaum, Vajntsujplig Dawbhuv yog tus tseem niajhnuv nrog peb nyob thiab pab peb rau txojkev ntseeg Vaajtswv. Lolus “Trinity – Pebleeg” los peb yeej totaub nyuaj kawg nkaus ibyam li lolus “I AM – Kuv Yog”. (Show I AM)



Tiamsis cia li nyob kajsiaab lug vim Yexus haistias, “I am – Kuv Yog” vim Nws yog ntiajteb tus Tswv Cawmseej. Nws xub nyob uantej Anplahas thiab txhuatus los lawm vim Nws yog Vajtswv Nws thiaj li muaj cais hais tau haistias, “I am – Kuv Yog”. Yexus haistias, “The thief comes only to steal and kill and destroy. I came that they may have life and have it abundantly – Tus tubsab los yog los nyiag thiab tua thiab ua kom puamtsuaj. Kuv los yog los kom koj tau txojkia uas yog tau npluamias.” (Yauhas 10:10) (Show I AM)



Cia li ua lub neej puvnpo rau ntawm Tswv Yexus Khetos. Koj yuav hais tau rau lwmtus haistias, “I Am – Kuv Yog,” “Kuv yog tus muaj siabhlub, kuv yog tus siab dawb, kuv yog tus ncajnnees, kuv yog tus ua tau rau ntawm Vajtswv. Kuv yog Vajtswv tus menyuam, kuv yog tus dawbhuv, kuv yog tus tau txojkia, kuv yog tus ntseeg Vajtswv, kuv yog tus nyob hauv Vajtswv thiab Vajtswv yog tus nyob hauv kuv, kuv yog tus tau kev cawmdim etc.” Asmees. Thov kom Vajtswv txojlus pub rau koj totaub thiab tau txojkev haumxeeb rau ntawm Tswv Yexus Khetos. Peb txhuatus uas yog Vajtswv cov menyuam peb sawvdaws hais: Asmees.